

# **Governu prioritiza setór produtivu iha tinan 2022**

**DILI, 27 setembru 2021 (TATOLI)**—Governu aprova ona tetu agregadu no dezagregadu ba Orsamentu Jerál Estadu (OJE) 2022 ho montante totál biliaun \$1,675, ne'ebé persentajen boot liu ba setór produtivu.

“Alokasaun orsamentu tinan 2022 tuir prioridades nasional 6 a'as liu mak iha setór produtivu hanesan agrikultura no turizmu, ambiente no konektividade ho alokasaun 27%, abitasaun no inkluziun sosiál 22%, boa governasaun 12%, dezvoltimentu kapitál umanu 10%, dezvoltimentu rural 3% no dezvoltimentu setór privadu 0,5%, funsionamentu mákina Estadu 18% no atividade seluk 8%,” refere nota ne'ebé Agência TATOLI simu, segunda ne'e.

Tetu ne'ebé iha sei uza hodi finansia programa 43 iha perímetru OJE 2022 liuhosi prioridade nasional neen hanesan dezvoltimentu kapitál umanu (edukasaun, formasaun profesionál no saúde), abitasaun no inkluziun sosiál, setór produtivu (agrikultura no turizmu), ambiente no konektividade, dezvoltimentu setór privadu no kooperativa, dezvoltimentu rural, no boa governasaun, ho objetivu atu atinje dezvoltimentu ne'ebé kualidade ho kreximentu ekonómiku ne'ebé inkluzivu no sustentável.

“Alokasaun orsamentu aprovalu ba OJE 2022 tuir klasifikasaun ekonómiku a'as liu mak iha transferénsia pública ho montante millaun \$565,9, tuir kedan ho bens no servisu millaun \$449,8, kapitál dezvoltimentu ne'ebé bele kria postu traballu no jere empregu rai-laran hetan alokasaun millaun \$401,7, saláriu no vensimentu millaun \$233 no kapitál menor millaun \$24,4”, nota ne'e esplika.

Governu sei apresenta Proposta Projeitu Lei (PPL) ba Parlamentu Nasionál (PN) iha loron 15 outubro 2021, enkuantu Ministériu Finansa sei hahú prepara Livru I to'o Livru VI Proposta Lei OJE 2022 inklui dokumentu adisionál sira.

**Jornalista : Antónia Gusmão**

**Editora : Julia Chatarina**

## Government to prioritize the productive sectors in the fiscal year 2022 budget



**DILI, 27 September 2021 (TATOLI)**— The Government approved the balanced fiscal year 2022 budget this week that now awaits the Parliament’s approval, said in a statement cited by TATOLI today.

According to the statement, the fiscal year 2022 budget is \$1,675 billion with a larger percentage allocated to the sector of productivity.

“The Government approved 2022 bills following the six national priorities and the larger percentage allocated to the productivity sector such as Agriculture and Tourism, thus 27% for the environment and connectivity, 22% for Housing and social inclusion, 12% for Good Governance, 10% for Human Capital Development, 3% for rural development, 0.5% for the private sector development, 18% for the state functioning and 8% for the other activities,” said the statement.

The budget will be financially used for 43 programs in the Perimeter of 2022 State budget, over six national priorities includes Human Capital Development (Education, professional training and Health), Housing and Social Inclusion, productive sector (Agriculture and Tourism), environmental and connectivity, development of the private sector and cooperative, rural development and good governance, aimed to accomplish quality development and inclusive and sustainable of economy growth.

Also The Government approved the budget according to the economy classification which is a general omnibus budget, and includes:

- \$565,9 million to the public transference
- \$449,8 million to Good and Services
- \$401,7 million to manage the unemployed and recruit more workers,
- \$233 million allocated to wages for the workers
- \$24,4 for minor capital

The State budget proposal is to be presented to the National Parliament on October 15, 2021, while the Ministry of Finance will begin to prepare the book 1 to 6 of the 2022 omnibus budget including other additional documents.

**Journalist : Camilo de Sousa**

**Editor : Nelia B.**